



## KENYATAAN/SIARAN AKHBAR

### PROGRAM PERKAMPUNGAN TANI DI PUTRAJAYA

PUTRAJAYA – Menyedari kepentingan industri pertanian dan potensi sebagai penyumbang utama pengeluaran makanan negara, Utusan Karya Sdn. Bhd. (UKSB) melalui majalah KAWAN, Perbadanan Putrajaya melalui Taman Warisan Pertanian dan Bank Kerjasama Rakyat (Malaysia) Berhad (Bank Rakyat) melalui Kelab NURI, hari ini telah menganjurkan satu program khas untuk kanak-kanak berusia di bawah 12 tahun bagi memperkenalkan dan menanam minat mereka kepada industri pertanian. Diharapkan melalui pendedahan ini, generasi muda akan dapat merasai kepentingan dan potensi industri pertanian di masa hadapan.

Program berkonsepkan perkhemahan dua hari satu malam di dalam dusun ini adalah julung-julung kali diadakan. Ia disertai oleh kira-kira 60 orang kanak-kanak di sekitar Lembah Kelang, Negeri Sembilan dan Melaka.

Aktiviti-aktiviti yang dijalankan seperti Kids Garden, Lagak Si Penoreh Getah, Agro Hunt dan Jom Kutip Buah Durian dapat memberi peluang terutamanya kepada kanak-kanak dari bandar, merasai suasana mengutip buah-buahan di dusun yang diwujudkan di Taman Warisan Pertanian Putrajaya dan juga dapat menimba pengetahuan asas tentang dunia pertanian. Taman Warisan Pertanian yang terletak di Presint 16, Putrajaya menekankan pendidikan tentang peranan dan kepentingan tanaman komersial di Malaysia. Ini termasuk pokok getah, kelapa sawit, kopi, teh, koko, buah-buahan dan tanaman herba.

Penganjuran program ini juga merupakan sebahagian daripada program kerjasama erat yang telah sedia ada antara majalah KAWAN, Kelab NURI dan Perbadanan Putrajaya sejak beberapa tahun lepas seperti penganjuran program Kem Sahabat Alam di Taman Wetland Putrajaya dan Walkathon "Fun in The Parks" sempena Hari Kanak-Kanak Sedunia. Kesemua penganjuran program bersama ini membawa mesej "Cintai Alam Sekitar".

Untuk keterangan lanjut, sila hubungi Utusan Karya Sdn. Bhd. di talian 03-8926 2999, faks: 03-8925 2311 atau Encik Muzafar Bin Abdul Mutalib di talian 019-3448333 atau pihak Perbadanan Putrajaya di talian 03-8887 7615/7401/7395.



**ROZIMAH WAHID**

**Penolong Pengarah Perhubungan Awam**

b.p. Presiden Perbadanan Putrajaya

Tarikh:           Julai 2009

---

Disediakan oleh Bahagian Perhubungan Awam untuk PERBADANAN PUTRAJAYA  
- Tel: 03-8887 7033 Faks: 03-8887 5013